



Službenici SIPA češljaju putne naloge i ugovore Nogometnog/Fudbalskog saveza BiH

Trostruko uvećali troškove puta na SP?

Pretres:
Inspetori
provjeravaju
dokumentaciju
zbog navodnih
sumnjivih
putovanja
reprezentacije
u SAD i na
Mundijal

Vedran RADENOVIĆ

Cijene troškova uvećavane su i tri puta više od realnih, tvrdi Amer Halep, smijenjeni član Izvršnog odbora, na osnovu čije je prijave Tužilaštvu BiH i Kantona Sarajevo, SIPA preksinoć počela izuzimanje dokumentacije iz Nogometnog/Fudbalskog saveza BiH.

"Državna agencija za istrage i zaštitu trenutno postupaju po zahtjevima Tužilaštva BiH, koji se odnose na vršenje određenih provjera i prikupljanje dokumentacije", potvrdeno je iz SIPA, ali više detalja nije navedeno.

Iako su inspektori u proteklih nekoliko mjeseci čak tri puta boravili u prostorijama N/FS BiH, izdavanjem saopštenja iz "bh. kuće fudbala" juče su pokušali ublažiti čitavu priču i cijeli slučaj predstaviti gotovo kao uobičajan.

"Pripadnici SIPA i drugih nadležnih organa zatražili su od N/FS BiH informacije i dokumentaciju vezanu za te prijave, ali nije bilo nikakvog spektakularnog upada u prostorije Saveza. Razloga za upad pripadnika SIPA nije bilo, jer N/FS BiH nikada nije krio finansijske podatke o troškovima učešća reprezentacije BiH i spiskovima putnika koji su kao članovi zvanične delegacije ili gosti N/FS BiH putovali u Brazil", navedeno je između ostalog u saopćenju.

Ipak, Amer Halep, koji je prošle godine prvo suspendovan, a potom i isključen iz rada Izvršnog odbora tvrdi sasvim drugačije.

"Mi smo imali u završnim izvještajima da su neki troškovi visoki, ali nikada nismo dobili fakture na uvid. Iako sam ih lično tražio, nisu mi ih dali iz razloga jer su cijene uvećavane. Mislim da je to radeno da bi se uplatilo nekoj agenciji, koja digne gotovinu, a potom istu vrati Begiću, Bakoviću... (predsjednik



Istražitelji SIPA izuzeli fakture i ugovore iz N/FS BiH

i generalni sekretar N/FS BiH) ili šta ja znam kome već", sumnja Halep, kojem je sporan i način na koji je krojen sam spisak putnika u Brazil.

Iz N/FS BiH odgovaraju da su aranžmani i transakcije obavljani zakonito i transparentno, prema propisima FIFA, važećem cjenovniku, te nema osnova za tvrdnje o navodnim sumnjivim putovanjima reprezentacije na pripreme u

SAD ili kasnije na Mundijal u Brazilu.

"U konačnici na SP je otputovalo devet članova Izvršnog odbora, jedan član Odbora za posredovanje i savjetovanje, generalni sekretari entitetskih saveza, potpredsjednik NS FBiH, te pet predstavnika sponzora. Zatim 11 sportskih radnika iz tijela i organa N/FS BiH i entitetskih saveza, te jedan predstavnik Ministarstva civilnih poslova BiH", tvrdi u N/FS BiH.



Teške optužbe: Amer Halep

Sastanak svih selektora

●●● U sjeni navodnih malverzacija oko odlaska u Brazil, juče je Tehnički odelj N/FS BiH organizovao kolegij selektora svih reprezentacija BiH. Analiziran je dosadašnji rad u selekcijama, a ističu se rezultati U19 i U17 ekipa koje su ostvarile plasman u elitnu rundu kvalifikacija za EP. Sastanku je prisustvovao i Mehmed Baždarević,

selektora A reprezentacije BiH, koji je proteklih dana posjetio bh. igrače u Italiji, Engleskoj, Belgiji i Francuskoj.

"Mjesec je bio dinamičan, a vjerujem da će se tako i nastaviti. Drago mi je što sam sreoo pojedine igrače i što smo imali priliku pričati i prije nego što počnu pripreme", kazao je Baždarević.

Medu putnicima čiji je boravak plaćen u svojstvu tadašnjeg člana IO bio je i sam Halep, čije se brojke ipak ne poklapaju sa onim navedenim u jučerašnjem saopštenju N/FS BiH.

"Svaki član IO dobio je po 10.000 dolara na osnovu premije za plasman reprezentacije na Mundijal. Ipak, od tih 10.000 dolara, barem meni, odbijeno je pola svote za put u Brazil. Tako ispada da sam praktično sam sebi platio putovanje", kaže Halep koji negira i tvrdnje iz sopštenja da je prilikom pravljenja spiska vodeno računa i o nacionalnom ključu.

"Iz NS Federacije BiH su putovali gotovo svi bošnjački članovi IO i generalni sekretar, od Camalovića, Durića, Hamde i Suda Spahića... Bilo je nekih ljudi iz raznih komisija, raznih poslušnika, a što je začudujuće, najviše pravnika. Ne znam zašto su ti ljudi išli, ali očito ih je bilo previše."

Halep nije jedini koji je podnio prijavu protiv člana N/FS BiH, pa ga akcija SIPA upošte ne iznemađuje. Očekuje i još konkretnije poteze nadležnih organa.

"Svaki dan sam očekivao da će se desiti akcija SIPA, ali i da će neko biti uhapšen, jer su u igri velike pare. Po mojim saznanjima, ima devet krivičnih prijava protiv N/FS BiH, odnosno člana. Jednu sam ja podnio, a ostale su anonimne. Pretpostavljam da su ih podnijeli još neki ljudi iz Izvršnog odbora ili uposlenici Saveza koji imaju pristup važnim informacijama,

Argentina

●●● Među prvima za Helepa sumnjivim slučajevima bila je priprema utakmica između BiH i Argentine igra na Sent Luisu, 19. novembra 2013. godine.

"Ima podatak u završnom izvještaju da su troškovi leta i smještaja bili otprilike 400.000 KM. Nama na sjednici IO kasnije je dostavljen papir na kojem piše da je agencija sve te troškove platila", tvrdi Halep.

Slučaj "Begić"

●●● Amer Halep pita se na osnovu kojih kriterija je on mogao biti smijenjen sa funkcije člana IO, a da pritom isti nisu bili primijenjeni na neke druge čelnike. "Ja sam suspendovan i razriješen dužnosti, a da pritom nikad tu odluku zvanično nisam dobio. Suspendovan sam zbog davanja izjave u medijima, a Elvedin Begić koji ima krivičnu prijavu u slučaju 'Aerodrom Sarajevo' i dalje obnaša dužnost predsjednika Saveza. Smijenili su me, a da pritom niko nije dokazao da sam govorio neistinu", rekao je Halep.



HALEP
Bilo je preko 20
štetnih ugovora
potpisanih bez
odobrenja i
znanja IO

ali iz straha se ne smiju potpisati pod prijavu", tvrdi Halep.

On se nada da će istražitelji SIPA naći i navodnu fakturu kojom je jedna avio-karta plaćena vrtoglavih 9.000 KM.

"Jedna stvar mi je ostala

upečatljiva kada sam na jednom od dokumenata, koji nažalost nemam u svom posjedu, vidio da je trošak leta samo jednog reprezentativca iz Italije u Holandiju koštao 9.000 KM. Riječ je o letu iz Rima u Amsterdam i nadam da će taj dokument pronaći pripadnici SIPA", kaže Halep.

Iako su se u N/FS BiH ogradili od ljudi i događaja iz prošlosti i vremena suspenzije Saveza, Halep smatra da se nije odmaklo previše od doba Muntiba Ušanovića i Miodraga Kureša, bivšeg generalnog sekretara, odnosno prvog čovjeka finasija koji trenutno izdržavaju zatvorske kazne upravo zbog finansijskih malverzacija i zloupotrebe položaja.

"Kada sam ušao u Savez, mislio sam zbog Ivce Osima, Faruka Hadžibegića i ljudi tog renomea da je sve uredu. Nažalost, nakon samo pola godine počeo sam sumnjati i javno upozoravati na neke sumnjive transakcije. Mislim da je bilo preko 20 štetnih ugovora koji su potpisani ne samo bez odobrenja, već i bez znanja IO. Zato nije teško zaključiti da danas imamo puno gore stanje u N/FS BiH od onog iz vremena Ušanovića", smatra Halep i dodaje:

"Dovoljno je uzeti u obzir da u IO sjede ljudi poput Dragana Kulića, koji je svojevremeno bio suspendovan jer je istakao kontrolora na utakmici ili poput Ivana Beusa, koji je istakao bio suspendovan na godinu dana."

Predsjednika Saveza nije začudila akcija u kojoj su istražitelji SIPA uzeli fakture i ugovore koji se tiču aranžmana sa turističkom agencijom "Centrotours", a kako bi provjerili navode vezane za putovanja reprezentacije i trošenje novca.

"Poznato je da je nakon Brazila podnijeto više prijava protiv N/FS BiH od strane nezadovoljnika poput suspendovanog člana Izvršnog odbora Amera Halepa u kojima se govori o navodnim nepravilnostima u radu Saveza. Osim SIPA, te navodne navode provjeravali su kantonalni i federalni MUP, ali su dobar dio odbacili, jer su se optužbe pokazale neutemeljenim", rekao je Begić.

Naglašava da N/FS BiH podržava rad institucija za provedbu zakona i vjeruje da će dobro odraditi svoj dio posla. Dodaje i da su Amera Halepa prijavili nadležnim organima za davanje lažne izjave te da će u budućnosti biti pokrenute pravne aktivnosti kako bi zaštitili ugled Saveza.